

TXHEEJTXHEEM

Zaj lus Coj 1
Txhais lus 1

PHAJ I: LUB NPE

Lub Npe 2

PHAJ II: LUB HOMPHEIAJ

Lub Homphiaj 2

PHAJ III: HKM KEV TSWJHWM

A. LUB ROOJ SABLAI TXWMXYOO

- 1. Sijhawm Sablaj Txwmxyoo 2
- 2. Cov Kavxwm Thaum Sablaj 3
 - Kavxwm Npaj Rooj Sablaj 3
 - Kavxwm Xaivtsa 3
 - Kavxwm Txhimkho 3
 - Kavxwm Nyiajtxiag 3
 - Kavxwm Npaj Yexus Rooj Mov 3
 - Kavxwm Faib Ntaub Ntawv 3
 - Kavxwm Saib Kev Pehawm Vajtswv 3
 - Kavxwm Tshuaj Thawj Tsavxwm Phau
Ntawv Tshabxo 3
- 3. Cov Tswj Rooj Sablaj Txwmxyoo 3
 - Tus Thawj Tswjrooj 3
 - Tus Teev Ntawv 4
 - Cov Tsavxwm ntawm HKM 4

4.	Feem Muaj Cai Sablaj	4
5.	Txojcai Tswj Rooj Sablaj	4
6.	Txojcai Tswj Kev Xaivtsa	4
B.	LUB ROOJ TSAVXWM NTAWM HKM	
1.	Cov Tsavxwm.....	5
2.	Kev Xaivtsa	5
3.	Tus Sawvcev Thawj Tsavxwm	6
C.	TEJ PHAB HAUJLWM (DEPARTMENT) NTAWM HKM.....	6
D.	COV KAVXWM LWM YAM	
1.	Kavxwm Tawmntawv & Tsawbkws Ua Xibhwb	7
2.	Kavxwm Txhawb Kev Xa Moo Zoo	9
3.	Kavxwm Tshuaj Nyiajtxiag	10
4.	Kavxwm Kevcai Lijchoj Ntxiv	10
5.	Kavxwm Nrhiav Chaw Sablaj Txwmxyoo	10
6.	Kavxwm Sawvcev HKM Mus Koom C&MA Rooj Sablaj Txwmxyoo	11
7.	Cov Saib Peev Nyiaj Pab Cov Kawm Vajluskub	11
8.	Kavxwm Niamtsev	11
9.	Kavxwm Txivtsev	12

PHAJ IV: COV XIBHWB

A.	Xibhwb Kev So (Vacation)	12
B.	Xibhwb Nyiaj Hli	14
C.	Kev Nojhaus Rau Cov Xibhwb Raug Hloov	15
D.	Xibhwb Kev Fajseeb kho mob	15
E.	Xibhwb Kev Kawm	15
F.	Xibhwb Nyiaj Foobxab	15

**PHAJ V: NTAUV TSOCAI RAU TXWJLAUG UA
VAJTSWV HAUJLWM**

Ntawv Tsocai rau Txwjlaug ua Vajtswv Haujlwm 17

PHAJ VI: NYIAJ PAB HKM

A. Cov Nyiaj 10% 17
B. Thov Tshwjxeeb 18

PHAJ VII: NYIAJ PAB COV KAWM VAJLUSKUB

Nyiaj Pab Cov Kawm Vajluskub.....18

PHAJ VIII: OVERSEAS TRIBAL SERVICE (OTS)

OTS..... 18

**PHAJ IX: KEV TU PLAUB NTUG HAUV PAWG NTSEEG
THIAB HAUV HKM**

Kev Tu Plaub Ntug..... 19

PHAJ X: KEV HLOOV

Kev Hloov 19

**KEVCAI LIJCHOJ NTXIV HAUV HAUVPAUS
KOOMHAUM HMOOB NTAWM COV NTSEEG YEXUS
THIAB KEV KOOMTES QHIA TXOJ MOO ZOO**

ZAJ LUS COJ

Hauvpaus Koomhaum Hmoob (Hmong District, herein after HKM) ntawm Cov Ntseeg Yexus thiab Kev Koomtes Qhia Txoj Moo Zoo (The Christian and Missionary Alliance, herein after C&MA) tau tsimtsa raws li kevcai hauv xeev Colorado, thiab muaj cai ua Vajtswv haujlwm puv npo raws li nomtswv Colorado tso cai.

Txawm yog C&MA twbyeej muaj phau Kevcai Lijchoj tiav log lawm los phau ntawv Kevcai Lijchoj ntawd yog tswjhwm mus dav-dav xwb. The C&MA tso cai rau txhua lub Koomhaum nyias muaj nyias cai los tsim muaj tej Kevcai Lijchoj Ntxiv (By-laws) los tswjhwm lub Koomhaum ntawd. Yog yuav ua kom tiav cov Homphiaj nram no, HKM yuavtsum tsim kom muaj ib cov Kevcai Lijchoj Ntxiv los rau HKM tau siv raws li nram no.

TEJ LUS TXHAIS

Tej lus txhais (definitions) hauv qab no siv tau los txhais tej kevcai lijchoj ntxiv hauv phau ntawv no.

Tsa (appoint): Nrhiav, pomzoo, lossis xaiv ib tug lossis ib pab twg los tuav ib tes haujlwm yam tsis muaj kev xaiv lossis pomzoo los ntawm lwm pab.

Taw (nominate): Tso ib tug npe los sib tw nyob hauv kev xaiv tsa rau ib lub meejmom.

Xaiv (elect): Pomzoo ib tug los rau ib lub meejmom twg los ntawm kev tawmsuab ntawm ncauj lossis pov ntawv.

PHAJ I: LUB NPE

Lub Koomhaum no npe hu ua Hauvpaus Koomhaum Hmoob (txij no mus siv HKM) ntawm cov Ntseeg Yexus thiab Kev Koomtes Qhia Txoj Moo Zoo (txij no mus siv C&MA).

PHAJ II: LUB HOMPHEAJ

Txhawb nqa Yexus Khetos uas yog tus Cawmseej, tus Ntxhuav kom Dawbhuv, tus Khomob Zoo, thiab Tus Vajntxwv uas tseem yuav rovlos; tshajntawm Nws Txojmoo Zoo kom tiav; pab tej Hmoob ntseeg Vajntswv los ntawm kev tsim pawg ntseeg tshiab, thiab rub sawvdaws los uake, kom muaj peevxwm mus tshajntawm rau cov tsis tau ntseeg; thiab qhia cov ntseeg tshiab ua Yexus thwjtim, cob lawv mus ua Vajntswv haujlwm, thiab xa lawv mus tshajntawm Txojmoo Zoo thoob ntiajteb.

PHAJ III: HKM KEV TSWJHWM

A. LUB ROOJ SABLAI TXWMXYOO

1. SIJHAWM SABLAI TXWMXYOO

Lub rooj sablaj txwmxyoo ntawm HKM yuav muaj nyob txhua lub xyoo. Xyoo twg uas muaj xaiv Thawj Tsavxwm ces muab tso rau lub 6 hli. Xyoo twg tsis muaj xaiv Thawj Tsavxwm ces muab tso rau lub 6 hli lossis 7 hli.

2. COV KAVXWM THAUM SABLAI TXWMXYOO

Vim muaj haujlwm ntau yam yuavtsum tham thiab txhimkho thaum sablaj txwmxyoo thiab txhua tus xav kom tej haujlwm tiav sai mus rau qhov zoo, cov Tsavxwm ntawm HKM muaj cai taw ib cov neeg los ua kavxwm nrog lig ntau tes haujlwm raws li nram no:

2.01 Kavxwm Npaj Rooj Sablaj

Sau Npe
Npaj Chaw Pw
Npaj Suab Nrov (sound system)

- 2.02 Kavxwm Xaivtsa
- 2.03 Kavxwm Txhimkho
- 2.04 Kavxwm Nyiajtxiag
- 2.05 Kavxwm Npaj Yexus Rooj Mov
- 2.06 Kavxwm Faib Ntaubntawv
- 2.07 Kavxwm Saib Kev Pehawm Vajtswv
- 2.08 Kavxwm Tshuaj Thawj Tsavxwm Phau Ntawv
Tshabxo
- 2.09 Kavxwm Suav Tibneeg & Tswj Txojcai Sablaj
Txwmxyoo
- 2.10 Kavxwm Komtswj (agenda)
- 2.11 Kavxwm Saib Kev Thov Vajtswv thiab lwm pab
kavxwm uas cov Tsavxwm HKM pom zoo

3. COV TSWJ ROOJ SABLAI TXWMXYOO

- 3.01 Tus Tswjrooj: Thawj Tsavxwm HKM yog tus tswjrooj sablaj txhua xyoo. Yog Thawj Tsavxwm muaj chaw tabkaum, nws muajcai cob lub meejmom tswjrooj rau tus Lwm Thawj Tsavxwm, lossis rau lwm tus, yog Lwm Thawj Tsavxwm muaj chaw tabkaum lawm thiab. Yog Thawj Tsavxwm thiab Lwm Thawj Tsavxwm xaiv tsis tswjrooj sablaj, nkawd muaj cai cob lub meejmom tswjrooj sablaj rau lwm tus.
- 3.02 Tus Teev Ntawv: Tus Teev Ntawv ntawm HKM yog tus teev txhua yam lus thaum sablaj txwmxyoo; muab cov lus uas nws teev tseg ntawd coj mus ntaus, luam, thiab coj rov los nyeem rau rooj sablaj txais yuav. Cov tsavxwm hauv HKM muajcai tsa ib lossis ob tug los pab tus teev Ntawv ua haujlwm hauv lub rooj sablaj txwmxyoo.

3.03 Cov Tsavxwm ntawm HKM: Thaum sablaj txwmxyoo, cov Tsavxwm ntawm HKM txhua tus yog cov nyob ze Thawj Tsavxwm thiab tus Teev Ntawv, pab sablaj thiab tawm tswvyim nrog tswj lub rooj sablaj mus rau qhov zoo.

4. FEEM MUAJCAI SABLAJ (Quorum)

Yog ib feem peb (1/3) ntawm cov neeg uas muaj npe tuaj sablaj txwmxyoo nyob txhij lawm ces rooj sablaj muajcai sablaj tau.

5. TXOJCAI TSWJ ROOJ SABLAJ

HKM lub rooj sablaj txwmxyoo yuav siv Robert's Rules of Order los tswj lub rooj sablaj raws li ua tau.

6. TXOJCAI TSWJ KEV XAIVTSA

Yog yuav taw ib leeg twg npe rau kev xaivtsa yuavtsum nrog tus ntawd tham uantej. Yog nws txaus siab ua lawm mam taw nws npe. Ib leeg tsuas muaj cai taw tau ib lub npe rau ib lub meejmom xwb.

Yog pab Kavxwm Xaivtsa twb nrog ib leeg twg tham thiab taw nws npe rau ib lub meejmom (position), tiamsis nws tsis kam rau lawv taw, thov kom nws tsis txhob pub lwm tus (floor) taw nws npe los sis tw rau lub meejmom ntawd lawm.

Tus uas yuav taw npe los xaiv ua Thawj Tsavxwm yuavtsum yog ib tug Kws Xibhwb. Tus uas yuav raug taw npe los ua tus Cia Nyiaj yuavtsum tsis txhob yog xibhwb.

Yog tus uas cov Kavxwm Xaivtsa twb taw npe lawm, lwm tus muajcai taw nws npe los rau lwm lub meejmom los tau, tiamsis tus uas raug taw ntawd yuavtsum mus rho npe tawm ntawm cov Kavxwm Xaivtsa es lawv thiaj muaj sijhawm

mus taw lwm tus los hloov ua ntej kev tshabxo zaum ob. Tshwj lub meejmom Thawj Tsavxwm lawm, lwm lub meejmom yog leejtwg tau suab ntau dua tus ntawd yog tus tau. Yog hais tais muaj ob tug tau suab sib npaug, yuavtsum muab nkawd rov los sib tw dua kom ib tug tau.

Yog lub meejmom twg muaj ib leeg xwb uas tsis muaj lwm tus los sibtw nrog ces thov yuav suab pomzoo ntawm lub Rooj Sablaj, tsuas tshwj lub meejmom Thawj Tsavxwm.

Kev taw npe los rau hauv kev xaiv tsa ua Tsavxwm hauv lub rooj tsavxwm hauv HKM (DEXCOM) tsuas muaj cai taw tau ib tug los ntawm ib pawg ntseeg xwb thiab pab kavxwm nrog tus xibhwb lossis txwjlaug tham txog nws lubneej ntseeg.

Cov uas ua haujlwm puvcaij (full time employee) hauv HKM tsis muajcai raug taw npe los rau cov meejmom Tsavxwm (DEXCOM) tsuas tshwj lub meejmom Thawj Tsavxwm thiab Lwmthawj Tsavxwm xwb.

B. LUB ROOJ TSAVXWM NTAWM HKM

1. Lub Rooj Tsavxwm ntawm HKM yuavtsum muaj cuaj (9) leeg, xws li: Thawj Tsavxwm, tus Teev Ntawv, tus Cianyiaj, thiab rau (6) leej tsavxwm. Lwmthawj Tsavxwm muajcai nyob rau hauv lub Rooj tsavxwm tiamsis tsis muajcai tawmsuab. Dua li ntawd, tus Thawj Tsavxwm Saib Lwm Haiv Neeg (Director of Intercultural Ministries) yeej muajcai nyob hauv. Thawj Tsavxwm yog tus thawj ntawm lub Rooj Tsavxwm.
2. Kev xaiv tus Thawj Tsavxwm thiab tus Lwm Thawj Tsavxwm cia xaiv raws li C&MA txojcai uas yeej muaj tseg lawm. Cov tsavxwm yim (8) leej, plaub (4) leeg yog xibhwb thiab plaub (4) leeg yog txwjlaug (Layman). Tus cia nyiaj yog ibtug txwjlaug. Tus teev ntawv yog ibtug kws xibhwb.

Nkawd muaj hnuvnyoog ua haujlwm ib zaug twg plaub (4) lub xyoo thiab ua tau ob (2) zaug sib txuas xwb. Yog kem ib zaug lawm nkawd muaj cai rov los ua tau. Ntawm rau (6) tus Tsavxwm (members at large) lawv hnuvnyoog ua haujlwm ib zaug twg yog ob (2) lub xyoos thiab ua tau 3 zaug sib txuas xwb. Yog hais tias kem ib zaug lawm lawv muaj cai rov los ua tau.

Yim (8) tus tsavxwm no cia pov ntawv hauv lub Rooj Sablaj Txwmxyoo. Leejtwg tau suab pomzoo ntau ces tus ntawd ua. Yog cov Tsavxwm yim (8) leej no leejtwg so tsis ua Tsavxwm ntxiv mus lawm, lub Rooj Tsavxwm muaj cai xaiv dua lwm tus los hloov tus ntawd chaw ua haujlwm mus txog caij xaiv dua tus tshiab.

3. Yog Thawj Tsavxwm ncaim ntiajteb, so haujlwm, sav cev, ua tsis taus haujlwm ntxiv, lossis raug rho tawm, Board of Director ntawm C&MA mam ua tus nrhiav ib tug hloov nws chaw mus txog hnuv xaiv tsa.

C. TEJ PHAB HAUJLWM (DEPARTMENT) NTAWM HKM

Cov Tsavxwm ntawm HKM muaj cai yuav ntxiv thiab rho tej phab haujlwm ntawm HKM raws li lawv pom zoo. Kev nrhiav tus thawj (director) ntawm tej phab haujlwm kom ua raws li kevcav ua haujlwm (Office Policy) ntawm HKM. Lawv tes haujlwm (Job Descriptions) cia rau cov Tsavxwm li mam ua tus muab. Tej phab haujlwm ntawm HKM yog:

Church Multiplication
Church Leadership Academy
Disciplmaking Ministries
Communication

Youth Ministries
Thiab lwm lub meejmom cheemtsum uas cov Tsavxwm
pom zoo.

**D. COV KAVXWM LWMYAM (STANDING
COMMITTEES)**

1. KAVXWM TAWM NTAWV & TSAWBKWS
UA XIBHWB (TTX)

HKM ib pab tub kavxwm saib kev tawm ntawv
thiab tsawbkws ua haujlwm rau tej xibhwb thiab ua
haujlwm rau hauv HKM. Cov kavxwm no
yuavtsum muaj tsis pub tsawg tshaj tsib (5) leeg
thiab txhua tus kavxwm yuavtsum yog cov
Tsavxwm ntawm HKM tsa thiab lawv yuav los ua
haujlwm peb (3) lub xyoos. Thaum xaiv tau lawv
lawm, lawv mam li xaiv tus Thawj thiab tus Teev
Ntawv.

a. Thawj Kavxwm Tes Haujlwm:

- i. Nws yuav tau qhia thiab cob haujlwm
rau pab Kavxwm TTX txhua tus kom
nyias xyuas nyias tes haujlwm kom tiav
raws li lub sijhawm uas tau teem tseg.
- ii. Nws yuav tau npaj thiab saib kev kawm
ua xibhwb tshiab kom mus raws nraim li
C&MA teev tseg.
- iii. Nws yog tus tswj lub Rooj Tsawbkws
thiab kev tsawbkws.

b. Tus Teev Ntawv

Nws yog tus teev tej lus sablaj txhua yam
hauv lub Rooj Kavxwm TTX thiab ua
haujlwm raws li tus thawj kom nws ua.

c. Txojcai thiab Haujlwm Ntawm Lub Rooj TTX.

Lub Rooj TTX muajcai yuav ntsuas tej tus xibhwb uas raug xa tuaj thov kev tsawbkws saib leejtwg tsimnyog ua kev tsawbkws rau. Lub Rooj TTX muajcai yuav cobqhia thiab qhuabntuas cov yuav raug tsawbkws kom paub thiab ua tau lub neej raws li lub meejmom Kws Xibhwb. Lub Rooj TTX yuav ua kev tsawbkws rau tej tus uas teb dhau kev ntsuas tsawbkws, thiab cob ntawv yeebkoob Kws Xibhwb rau tus ntawd raws li kevciai tsawbkws. Lub Rooj TTX yuav qhia thiab txhawb zog rau tej tus uas tsis dhau kev ntsuas tsawbkws kom nws dhau lwm zaug.

d. Kev Tawmntawv Ua Xibhwb Tshiab

Tus yuav raug tawmntawv ua xibhwb tshiab yuavtsum tau ua tej yam li nram no:

- i. Yuavtsum xa cov ntawv povthawj hais txog nws kev kawm ntawv tiav hauv Bible College, Seminary, lossis CLA tuaj rau cov Kavxwm TTX.
- ii. Kawm tej phau ntawv uas cov Kavxwm TTX tau teev tseg.
- iii. Tuaj rau cov Kavxwm ntawd nug (oral exam).
- iv. Yog tus twg twbraug C&MA nug thiab tshuaj dhau lawm, nws yuavtsum tau kom C&MA xa nws cov ntaubntawv tuaj rau cov kavxwm no.

e. HKM muajcai siv tus kawm CLA tiav ntu ob (level II) lawm mus ua xibhwb rau tej pawgntseeg, tiamsis nws yuav tau kawm kom tiav ntu peb (level III) ntxiv mus.

Txij li 8/24/91 no mus, tus xibhwb hluas twg yuav pojniam hnuvnyoog yau es ua tsis tau ntawv sib yuav mas HKM yuav ncuat sis pub nws ua xibhwb mus txog hnuv uas nws ua tau ntawv sibyuav raws li nomtswv kevcai.

f. Kev Kawm Ua Kws Xibhwb:

Txhua tus uas yuav raug tsawbkws ua Kws Xibhwb yuav tau ua raws li nram no:

1. Xa ntawv povthawj (official transcripts) uas hais txog nws kev kawm ntawv tiav nyob hauv Bible College, Seminary, lossis CLA tuaj rau cov Kavxwm TTX.
2. Kawm tej phau ntawv uas C&MA tau teev tseg.
3. Sau cov ntawv ntsuas nws kev ntseeg raws li cov Kavxwm TTX kom sau thiab xa rov tuaj rau cov kavxwm ntawd.
4. Tuaj rau cov Kavxwm TTX nug (oral exam).

2. KAVXWM TXHAWB KEV XA MOO ZOO (MISSION MOBILIZATION)

Cov kavxwm no muaj tsib (5) leeg thiab yog Roj Tsavxwm ntawm HKM tsa. Lawv hnuvnyoog ua haujlwm yog ob (2) lub xyoo. Lawv tes haujlwm kom ua rawsli kevcai lijchoj (Uniform Constitution for District) uas twb qhia lawm, thiab pab tsa lub roj txhawb nqa kev xa moo zoo ntawm HKM thaum lub roj sablaj txwm xyoo. Dua li no tus thawj phab kev xa moo zoo yog tus saib short-term mission hauv HKM nrog rau IM thiab cov missionaries.

3. KAVXWM TSHUAJ NYIAJT XIAG

Kev tshuaj nyiajtxiag ntawm HKM yuav tau ntiav lwm lub koomhaum tshuaj nyiajtxiag tuaj tshuaj HKM tej nyiajtxiag ib xyoo twg ib zaug. Dua li no, HKM yuav tau tsa pab kavxwm Audit Review Committee los tshuaj saib tej ntaub ntawv uas lub koomhaum tshuaj nyiajtxiag twb tshuaj tag lawm saib puas muaj tej yam uas yuav tau kho thiab yuav tau tshabxo rau lub Rooj Sablaj Txwm Xyoo paub. Lawv muaj cai los tawm tswvyim rau lub Rooj Tsavxwm ntawm HKM txog kev khaws nyiajtxiag kom mus raws li nomtswv kevcai. Pab kavxwm no hnuvnyoog ua haujlwm ibzaug twg yog plaub (4) lub xyoo.

4. KAVXWM KEVCAI LIJCHOJ NTXIV (KKLN)

Cov kavxwm no muaj tsib (5) leeg thiab yog lub Rooj Tsavxwm ntawm HKM tsa. Lawv hnuvnyoog ua haujlwm yog plaub (4) xyoo. Lawv tes haujlwm yog txhimkho kevcai lijchoj ntxiv rau HKM. Lub Rooj KKLN no tsuas ua tau haujlwm raws li Thawj Tsavxwm, lub Rooj Tsavxwm, lossis lub Rooj Sablaj txwmxyoo ntawm HKM tso cai rau lawv ua xwb.

5. KAVXWM NRHIAV CHAW SABLAI TXWMXYOO

Cov Tsavxwm ntawm HKM yog cov txiavtxim siab yuav npaj lub rooj sablaj txwm xyoo rau qhov twg uantej ob (2) lub xyoo thiab taw (3) leeg uas nyob ze lub nroog ntawd nrog rau Thawj Tsavxwm mus nrhiav chaw thiab npaj kom txhij.

6. KAVXWM SAWVCEV HKM MUS KOOM C&MA
ROOJ SABLAI TXWMXYOO

Cov kavxwm no yuavtsum tau xaiv raws li C&MA Kevcai Lijchoj (General Council A3-4) thiab lawv muaj hnuvnyoog ua haujlwm 2 xyoos thiab ua tau 3 zaug sib txuas xwb. Cov kavxwm no yuavtsum yog nws pawgntseeg ua tus them nqi taugkev thiab HKM ua tus them nqi nojhaus thiab chawpw. Cov kavxwm no cia rau lub Rooj Sablaj xaiv, thaum xaiv tau lawm, leejtwg yuav sawvcev rau tes haujlwm twg cia cov Tsavxwm hauv HKM mam ua cov taw.

7. KAVXWM SAIB PEEV NYIAJ PAB COV KAWM
VAJLUSKUB

Cov kavxwm no yog cov Tsavxwm ntawm HKM tsa, yam tsawg tsis pub tsawg tshaj 5 leeg nrog rau Thawj Tsavxwm hauv HKM. Lawv hnuvnyoog ua haujlwm yog peb (3) xyoos. Cov kavxwm no tes haujlwm yog li nram no: (RST 1996)

- a. Saib cov nyiaj uas sawvdaws xa tuaj rau peev nyiaj uas pab cov kawm Vajluskub uas muaj teev nyob Phaj VII.
- b. Nrhiav nyiajtxiag los rau peev nyiaj no.
- c. Muaj cai txiavtxim siab siv cov nyiaj no mus pab cov kawm Vajluskub raws li lawv pom zoo.

8. KAVXWM NIAMTSEV

Niamtsev (Alliance Women's Ministry) ntawm HKM kom koj thiab ua raws li Kevcai ua haujlwm (policy) ntawm niamtsev uas twb muaj lawm. Ntawm tus

Thawj Niamtsev cia rau lub Rooj Sablaj Txwm Xyoo ntawm HKM ua tus xaiv. Ntawm lwm tus kavxwm, cia rau cov sawv cev niamtsev ua tus xaiv. Lawv hnuvnyoog ua haujlwm ib zaug twg yog ob (2) lub xyoo thiab ua tau peb (3) zaug sib txuas xwb.

9. KAVXWM TXIVTSEV

Txivtsev (C&MA Men's Ministry) kom ua raws li kevcai (policy) ntawm C&MA twb muaj lawm. Tus Thawj Txivtsev ntawm HKM yog lub Rooj Sablaj Txwm Xyoo ua tus xaiv. Ntawm lwm tus kavxwm, cia rau cov sawvcev txivtsev ua tus xaiv. Lawv hnuvnyoog ua haujlwm ib zaug twg yog ob (2) lub xyoo thiab ua tau peb (3) zaug sib txuas xwb.

PHAJ IV: COV XIBHWB

A. XIBHWB KEV SO

1. Vacation: Txhua pawgntseeg uas zwm rau HKM muab sijhawm so haujlwm ib lub xyoo twg 4 lub limtiam lossis tshaj li ntawm pawgntseeg pom zoo rau txhua tus xibhwb uas ua haujlwm puv sijhawm (full time) suav txij lub 1 hlis xyoo 2001 no mus. Cov xibhwb uas ua haujlwm tsis puv sijhawm (part time) cia rau pawgntseeg mam li nrhiav kev pab li pawgntseeg muaj cuabkav pab tau.
2. Sabbatical leave
 - a. Eligibility: Ib tug xibhwb twg uas ua haujlwm rau ib pawgntseeg twg puv peb (3) xyoo txwm mas nws muajcai thov so sabbatical li ntawm 30 hnuv. Yog tus xibhwb twg ua haujlwm rau pawgntseeg ntawd nto 6 xyoo mas nws muajcai

thov so sabbatical li 45 hnuv, thiab txhua txhua peb (3) lub xyos tomqab mus. Tib lub sijhawm uas xibhwb so sabbatical mas yuav tsis pub nws siv nws cov vacation sibxyaw nrog uake. Yog tus xibhwb ntawd mus nyob rau pawgntseeg tshiab, nws yuav tau rovqab cuab cov xyoo ua haujlwm tshiab li saum no dua.

- b. Tus nqi (cost): Thaum twg cov tsavxwm hauv pawgntseeg pub xibhwb so sabbatical, cov tsavxwm hauv pawgntseeg ntawd yuav tau npaj ib cov nyiajtxiag rau hauv lawv daim peevnyiaj puagxyoo (annual budget) koj los pab rau lub sijhawm uas lawv tso lawv tus xibhwb mus so sabbatical. Lawv tus xibhwb yuav tau cov nyiaj hli thiab cov benefits tsis tuncua rau lub sijhawm ntawd.
- c. Cov tsavxwm hauv pawgntseeg yuav ua cov sojntsuam saib lawv tus xibhwb tes haujlwm so sabbatical li no ua raws li tau coglus tseg (conditions) nramqab no:
 1. Lub sijhawm uas xibhwb tabtom so sabbatical no, tsis pub kom xibhwb siv lub sijhawm no mus nrhiav lwm txoj haujlwm.
 2. Tus xibhwb ntawd yuavtsum yeem nrog pawgntseeg ntawd nyob mus kom puv ib xyos tomqab uas pawgntseeg ntawd pub nws so sabbatical. Yog tus xibhwb ntawd mus rau ib qho qhovtwg vim muaj kev yomceev (emergency) los yog tej xwmtxheej tshwjxeeb (special situation), tus xibhwb ntawd yuavtsum them cov nyiajtxiag uas nws tau txais (receive) los ntawm pawgntseeg kom puvnpo rovqab rau

pawgntseeg rau lub sijhawm uas nws tau so sabbatical no.

3. Xibhwb yuavtsum sau ntawv qhia tes haujlwm uas xibhwb xav ua kom tshwmsim rau cov tsavxwm hauv pawgntseeg paub (saib daimntawv thov so sabbatical tomqab).
4. Thaum uas tus xibhwb ntawd so sabbatical puv hnuvnyoog lawm, nws yuavtsum sau ib tsabntawv tshabxo yam tsawg tsis pub kom tsawg tshaj 5 nplooj (5 pages) cob rau cov tsavxwm hauv pawgntseeg thiab rau Thawj Tsavxwm hauv HKM. Tus xibhwb ntawd yuavtsum sau nws tsabntawv tsis pub kom dhau 3 lub hlis tomqab uas nws rovqab los cuab ua nws tes haujlwm. Nws yuavtsum qhia txog tes haujlwm uas nws ua tau tiav thiab hais txog hais tias nws tes haujlwm muaj feem pab rau nws txojkev lojhlob huamvam ntawm nws pawgntseeg.
5. Xibhwb yuavtsum sau ntawv thov so sabbatical 6 lub hlis uantej uas nws yuav mus so.

B. XIBHWB NYIAJ HLI

Xibhwb nyiaj hli cia tej pawg ntseeg muab raws li kev noj haus hauv lub nroog thiab lub xeev uas pawgntseeg nyob ntawd saib kim los pheejyig; tiamsis thov kom pawgntseeg muab kom tsimnyog thiab txaus noj txaus haus rau xibhwb. Ib xyoos twg lub rooj tsavxwm hauv pawgntseeg yuav tau nce nyiaj hli rau xibhwb ib zaug. Kev nce nyiaj hlis rau xibhwb yog lub rooj tsavxwm li haujlwm thiab tsuas koj mus rau pawgntseeg pom zoo txais yuav xwb.

C. KEV NOJHAUS RAU COV XIBHWB RAUG HLOOV HAUJLWM

Yog ib tug xibhwb uas tau ua haujlwm rau pawgntseeg thiab tau txais nyiaj hli los ntawm pawgntseeg xwb, raug hloov thiab tsis tau muaj haujlwm tuav, pawgntseeg uas nws nrog nyob ntawd yuavtsum tau pab ib lub nyiaj hli rau tus xibhwb ntawd; tiamsis yog tus xibhwb thov tawm haujlwm ces nws yuav tsis tau txais ib lub nyiaj hli ntawd.

D. XIBHWB KEV FAJSEEB KHO MOBNKEEG (HEALTH INSURANCE)

Yog ib tug xibhwb twg ua haujlwm puv caij (full time) rau ib pawgntseeg lawm, pawgntseeg ntawd yuav tau yuav kev fajseeb kho mobnkeeg rau tus xibhwb ntawd thiab nws tsev neeg.

E. XIBHWB KEV COBQHIA (PASTOR RETREAT)

Thawj Tsavxwm (DS) yuav tau npaj muaj pastoral retreat rau cov xibhwb thiab niam xibhwb ib xyoo twg ib zaug. Txhua yam expenses rau xibhwb thiab niam xibhwb mus koom yog pawg ntseeg them.

F. XIBHWB NYIAJ FOOBXAB (BURIAL FUND)

Rooj sablaj txwmxyoo, xyoo 1989 tau pom zoo kom HKM rho nws cov xibhwb tawm ntawm C&MA peev nyiaj “Burial Fund” es tsim dua tshiab rau ntawm HKM xwb. Peev nyiaj no yuav tau muaj txojcai tswj raws li nram no:

1. Lub npe rau peev nyiaj no hu ua HMONG DISTRICT PROTECTIVE BENEFIT PLAN.
2. Lub Rooj Tsavxwm ntawm HKM yog tus tswj peev nyiaj no.

3. Txhua tus xibhwb thiab niam xibhwb, txhua tus Official Workers thiab cov ua haujlwm puv cai hauv HKM muaj cai ua tswvcuab koom rau peev nyiaj no. Cov minyuam tsis muaj cai koom. Ib tus neeg uas yuav los ua tswvcuab koom rau peev nyiaj no yuav tau tshwm \$100.
4. Txhua pawgntseeg yuav tau sau nyiaj tshwjxeeb ib xyoos twg ib zaug tuaj rau peev nyiaj no. Thaum peev nyiaj no nce txog \$200,000 lawm, HKM mam hais rau txhua pawgntseeg kom txhob xa nyiaj tuaj ntxiv lawm.
5. Cov nyiaj foobxab yuav nce raws li nram no:
 - a. Thaum peev nyiaj no muaj txog \$50,000 rov hauv, nyiaj foobxab yog \$3,500.
 - b. Thaum peev nyiaj no txog \$50,001 mus rau \$100,000, nyiaj foobxab yog \$5,500.
 - c. Thaum peev nyiaj no txog \$100,001 mus rau \$150,000, nyiaj foobxab yog \$7,500.
 - d. Thaum peev nyiaj txog \$150,001 mus rau saud, nyiaj foobxab yog \$10,000.
6. Yog tus xibhwb twg tag simneej lawm, nws tus pojniam tseem muaj cai nyob hauv peev nyiaj no. Yog hais tias nws mus yuav dua tus txiv tshiab uas tsis yog xibhwb, txij hnuv ntawd mus nws tsis muaj cai ua tswvcuab rau hauv peev nyiaj no lawm.

 Yog tus niam xibhwb twg tag simneej lawm, tus xibhwb tseem muaj cai nyob rau hauv peev nyiaj no. Yog tus xibhwb ntawd mus yuav dua pojniam tshiab, yuavtsum xa \$100 tuaj mas nws tus pojniam thiaj ua tau tswvcuab rau peev nyiaj no.
7. Yog tus tswvcuab twg tawm tsis ua Vajtswv haujlwm lawm, lossis raug rho tawm, lossis khiav

mus koom dua lwm pab uas tsis zwm rau C&MA lawm, tus ntawd thiab nws pojniam lossis tus txiv tsis muaj cai ua tswvcuab nyob rau hauv peev nyiaj no lawm, tshwj tus uas mus noj nyiaj laus lawm xwb.

8. HKM yuav tsis thim \$100 rov rau cov uas tawm tswvcuab raws li nqai 6 thiab 7 saum no.
9. Peev nyiaj foobxab no, tus tswvcuab suam npe tseg rau leejtwg ces HKM muab rau tus ntawd.
10. DEXCOM muaj txojcai mus yuav Liability Insurance los tivthaiv (protect) peev nyiaj foobxab no. Lub Sijhawm uas tsis muaj Liability Insurance, DEXCOM muaj txojcai txo (authorized to reduce) cov nyiaj uas yuav raug them rau xibhwb lossis niam xibhwb tsev neeg li Phaj IV nqai G5 (RST 2002).

PHAJ V: NTAWV TSO CAI RAU TXWJLAUG UA VAJT SWV HAUJLWM

Peb cov ntseeg kuj muaj ntau yam kevcai uas yuav tsum tau ua, yog li, HKM thiaj tso cai rau Thawj Txwjlaug lossis Thawj Tsavxwm ntawm tej pawgntseeg uas tsis muaj xibhwb ua kevcai thiab kabke rau cov ntseeg. Ib yam uas tsis tso cai rau ua yog kabtshoob kevkos uas yuav tsum tau ntawv ntawm nomtswv.

PHAJ VI: NYIAJ PAB HKM

- A. Txhua pawgntseeg uas zwm rau hauv HKM yuavtsum xa 10% (ib feem kaum) ntawm cov nyiaj uas sau tau hauv txhua lub hlis tuaj rau HKM ua haujlwm, tsis pub dlhau hnuv tim 10 ntawm txhua lub hlis.

- B. HKM muajcai sau ntawv thov nyiaj ua haujlwm raws li kev siv nyiaj uas lub Rooj Sablaj Txwmxyoo tau kom tseg lawm.

PHAJ VII: NYIAJ PAB COV KAWM VAJLUSKUB

- A. HKM yuav muab cov nyiaj uas cov tswvcuab xa tuaj pab rau cov kawm Vajluskub qib siab thiab cov uas kawm hauv C&MA tej tsev kawm ntawv (Bible Colleges). Yuav pab rau cov uas kawm mus rau 6 yam li nram no:
1. Cov kawm Pastoral lossis Church Ministries
 2. Cov kawm Missions
 3. Cov kawm Christian Education
 4. Cov kawm Church Music
 5. Cov kawm Youth Ministries (RST 1995)
 6. Cov kawm Bible and Theology (RST 1995)
- B. Yog leejtwg kawm tsis tiav lossis kawm tiav tiamsis tsis los ua haujlwm rau HKM, nws yuav tau them cov nyiaj uas HKM tau pab nws lawm rov qab rau HKM kom thiaj muaj nyiaj pab cov kawm tshiab mus ntxiv.
- C. Yog tus tub kawm Vajluskub twg yuav pojniam hnuvnyoog me thiab tsis tau ntaubntawv sibyuav, HKM thiab Intercultural Ministries yuav tsis pab nyiaj scholarship rau nws. Dua li ntawd, HKM yuav tso cai rau tej tsev kawm ntawv (Bible Colleges) muab nws rho tawm tsis pub nws kawm mus txog hnuv uas nws tus pojniam hnuvnyoog nto thiab ua tau ntaubntawv sibyuav tiav.

PHAJ VIII: OVERSEA TRIBAL SERVICES

Oversea Tribal Services (OTS) yog HKM lub (an auxiliary, a Colorado not-for-Profit corporation) koomhaum pabcuam txawv tebchaws thiab pab rau tej haiv neeg tsawg. Cov

Tsavxwm ntawm HKM yog tus taw cov tsavxwm (Board Members) OTS thiab tus president los tswj OTS rawsli Kevcai Lijchoj Ntxiv hauv OTS. Thawj Tsavxwm ntawm HKM yog member ex-officio rau OTS.

**PHAJ IX: KEV DAWS TEEBMEEM HAUV PAWG
NTSEEG THIAB HKM**

Kev daws teebmeem hauv pawg ntseeg thiab hauv HKM yuav siv C&MA tus Uniform Policy on Discipline, Restoration, and Appeal.

PHAJ X: KEV HLOOV

TXHUA YAM UAS SAU RAU HAUV PHAU Kevcai Lijchoj Ntxiv no yeej muajcai muab kho dua tshiab tau xwsli: tsub ntxiv rau, rho tawm ib txhia, lossis rhuav cov lus qub es hloov dua cov lus tshiab rau, tiamsis yuavtsum yog HKM Rooj Sablaj Txwmxyoo pom zoo txog 2/3 mas thiaj hloov tau.